



www.BibleForChildren.org


पैदाइस 1




सुरुवात मा परमेस्वर ना बादल
अना धरती ला बनाइ सेस।



धरती भद्दो अना सून्नो होती अना
गहरो पानी को वरता इंधार होतो,
अना परमेस्वर को आतमा पानी
को वरता हिन्दत होती।




तबा परमेस्वर ना कह्यो, का “उजाड़ होय तबा उजाड़ भय गयो”। अता परमेस्वर ना उजाड़ ला दिवस अना इंधार ला रात कह्यो। असो परकार लक संजा अना सक्कार भयो। असो रिती लक पहेलो दिवस भय गयो।



मंग परमेस्वर ना कह्यो, पानी को बीच च मा एक असो बटवारा होय
का पानी दुई भाग होय जाव। अना परमेस्वर ना उ बटवारा ला बादर
कह्यो, अना संजा भयी मंग सकार भयी। ऐना रिती लक दुसरो दिवस
भय गयो।



मंग परमेस्वर ना कह्यो, “बादर को खाल्या को पानी एक जघा मा जमा भयी जाय अना सुखी भुई चोयो जाय!” अना वसोच भय गयो।
परमेस्वर ना सुक्को भुई ला धरती कह्यो अना जोन पानी जमा भयो
ओला ओना समुंदर कह्यो, अना परमेस्वर ना चोयो का साजरो से।



मंग परमेस्वर ना कह्यो, “धरती लक हिवरो गवथ, अना बीजवालो नहानो-नहानो झाड़, अना फर देवन वारो झाड़ जेको बीज उनमा लक किसम-किसम को कन लक धरती मा उगेत” अना वसोच भय गयो। अना संजा भयी मंग सक्कार भयी, एने रिती लक तिसरो दिवस बीत गयो।




तबा परमेस्वर ना दुई मोठी रोसनी ला बनायो, दिवस
पर हुकुमत करन साठी दिन ला, अना नहानी रोसनी ला
रात पर हुकूमत करन साठी चन्दा बनायो,
अना चाँदनी ला भी बनायो। अना संजा
भयी, मंग सक्कार भयी, एने रिती लक
चवथो दिवस भय गयो।



मंग परमेस्वर ना कह्यो, “पानी हरेक
पिरकार लक जिंदो जीव लक लगत च
भर जाय, अना पक्सी वारा मा
उड़ेता।” अना संजा भयी मंग सक्कार
भयी। ऐना रिती लक पाँचवो
दिवस भय गयो ।




मंग परमेस्वर ना कह्यो, “धरती मा किसम-किसम को जिंदो रेंगनवारा
जिवगीन बने, मनजे घरेलु जनावर, जंगली लहान
अना मोठो जनावर”।



मंग परमेस्वर ना कह्यो, “आमि मानूस ला आपरो रूप को जसो आपरी समान बनाबिन, अना वय समुंदर को मसरीगीन अना बादर को पक्सी गीन अना घरेलु जनावर अना सप्पा धरती पर अना सबच रेंगनवारा जिवगीन पर जो धरती पर रेंगा से, हक राखेत।” तबा परमेस्वर ना जोन काही बनायो होतो सबला चोयो, का उ लगत साजरो से अना संजा भयी मंग सक्कार भयी। एने रिती छटवा दिवस भय गयो।



तब यहोवा परमेस्वर ना आदम ला लेयके अदन को बगीचा मा राख
देयो। का उ ओमा काम करहे अना ओको रक्सा करहे।



अना यहोवा परमेस्वर ना आदम
ला यो हुकुम देइस, “तु बगीचा
को सब झाड़ गीन को फर
बगैर संका को खाय सकासेस;
पर भलो अना बुरो को गियान
को झाड़ को फर तु कभूच नही
खाजोस; काहेकि जेने दिवस तु
ओको फर खाजोस ओनो दिवस
जरुरच मर जाजोस।”



एने रिती लक आदम ना सब जनावर
गीन , अना बादर को पक्सी गीन को
नाव राखिन, पर आदम को साठी कोनी
असो सहायक नही मिलयो जोन ओको
लक मेल खाय सके।



तबा यहोवा परमेस्वर ना आदम ला गहरो जप मा डाक देइस, अना
जबा उ सोय गयो तबा ओना ओको एक पसरी हेडके ओको जघा मांस
भर दियो। अना यहोवा परमेस्वर ना ओनो पसरी ला जोन ओना आदम
मा लक हेडी होतीस, आईमाई बनाय
देइस; अना ओला आदम
को कठा आनीस।



एकोलाय मानूस आपरो माय बाबूजी ला सोडहेत
अना आपरी बायको लक मिलयो रव्हे, अना वय
एकच तन बनो रहेत।



काहेका परमेस्वर ना संसार लक एतरो माया
राखियो, का वोना आपरो चहतो एकच टूरा
ला दे देइसा। एकोलाय जोन कोनी वोको पर
भरोसा राखेत, उ नास नही होहेत पर
अमर जीवन पाहेत।



रोमियो 3:23 हरेक मानूस ना पाप करयो सेत। अना परमेस्वर कन लक दियो तेज बचाव लक लगत दुहर सेत।

रोमियो 6:23 काहेका पाप को बनी तो मरनो से, पर परमेस्वर को बरदान आमरो पिरभू यीसु मसीह मा अमर जीवन सेत।

इब्रानियो 9:27 जसो मानूस को लाय एक बार मरनो, अना एको मघा उनको नियाव होवनो लेखा सेत।

इफिसियो 2:8,9 परमेस्वर को दया कन लक आपरो भरोसा को काजी तुमरो सूटकारा भयीसे। योयो तुमला तुमरी कन लक नही मिलीसे, पर यो ता परमेस्वर को दियो हुयो दान से। अखिन नाता करम लक असो ना होय का कोनी गरब करयेत।



रोमियो 10:9,10 यदि तुमी असो स्विकार करा सेव, का यीसु च पिरभू सेत। अना बिस्वास करो का परमेस्वर ना वोला मरयो हुयो लक जित्तो करयो सेत, तो तुम्हि बच जाहो। काहे का मन मा भरोसा राखन लक मानूस नेक बन जासे अखिन परमेस्वर लक सही संबंध भई जासे। अना स्वीकारनो लक हमीला बचायो जावा सेत। मजे आमरो सूटकारा होवा सेत।

योहन 3:16,17 काहेका परमेस्वर ना संसार लक एतरो माया राखियो, का वोना आपरो चहतो एकच टूरा ला दे देइस। एकोलाय जोन कोनी वोको पर भरोसा राखेत, उ नास नही होहेत पर अमर जीवन पाहेत। परमेस्वर ना आपरो टूरा ला दन्द देवन ला नही, पर संसार ला सूटकारा देवन लाय धाड़ीसेस।

1 योहन 5:11-13 अना ओकी गवाही यो से का परमेस्वर ना आमला अमर जिंदगी देईसेस, यो जिंदगी ओको टूरा कन लक मिलयो से। जोको जवर टूरा से, ओको जवर जिंदगी से, अना जेनको जवर परमेस्वर को टूरा नहाती, ओको जवर जिंदगी भी नहाति। परमेस्वर को टूरा मा भरोसा राखन वालो, तुमला यो गोस्टी मी एकोलाय लिख रही सेऊ जेनको लक तुमी यो जान लेव का अमर जिंदगी तुमरो जवर से।



पैदाइस 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Powari Bible (pwr) © The Word for the World International
and Powari Madhya Pradesh, 2025.

<https://www.bible.com/bible/3714/MAT.1.PSP25>

©2026 Bible for Children, Inc.

www.M1914.org

www.bibleforchildren.org

